

Aalisarnermut, Piniarnermut Nunalerinermullu Naalakkersuisoq
Medlem af Naalakkersuisut for Fiskeri, Fangst & Landbrug
Minister of Fisheries, Hunting & Agriculture



Hr. Inatsisartunut Ilaasortaq Hans Enoksen, Siumut
 MAANI

Naalakkersuisunut apeqqut nr. 82-imut akissuteqaat, nunaqarfinni suliffissaqartitsiniarnerup, ilinniartitaanerup kiisalu ilinniartitseqqiinerup siuarsarnissaanut pissamaatitut 20 mio. kr. immikkoortinneqartut eqqarsaatigalugit suliat aningaasaliissutillu ullumikkumut suut ingerlanneqarsimanersut. Aammalu pilersaarutit suut suliarineqarnersut pillugit.

2009-80
 5. oktober 2009
 Postboks 269
 3900 Nuuk
 Oq/tel +299 34 50 00
 Fax +299 32 47 04
 apnn@gh.gl
 www.nanoq.gl

Naalakkersuisunut apeqquteqaatit Naalakkersuisoqarfimma tiguva ulloq 25. september 2009 ullumikkumut suliasat aammalu aningaasaliinerit sumut atorneqarsimarannut apeqquteqaat? Aammalu pilersaarutit suut ingerlanneqarnersut, nunaqarfinni suliffissaqartitsiniarnerup, ilinniartitaanerup kiisalu ilinniartitseqqiinerup siuarsarnissaanut pissamaatit aningaasaliissutaanerannut atatillugu.

1 pillugu) Suliat aningaasaliissutillu suut ullumikkumut ingerlanneqarnikuuppat ?

Ulloq 22. juli 2009 Arctic Green Food A/S-mik kiffartuunneqarnissamik isumaqatigiissuteqartoqarpoq.

Kiffartuunneqarnissamik isumaqatigiissutikkut, kiffartuunneqarnissamik isumaqatigiissutip siunertaa tassanilu piumasaqaatit illuatungeriit isumaqatigiissutigaat kiisalu tunisinermik, assartuinermik tunisassiornermillu sullissinissaq qulakkeerneqarluni, tunisinermut tunisassiornermullu missingersuutit kiffartuussinissamik isumaqatigiissummi sinaakkusersorneqarsimasut iluanni.

Aammattaaq akuersaarneqarpoq naleqqussaasoqarsinnaasoq, taassumalu ataani aalisagaqatigiinnik ataasiakkaanik tunisinermik unititsigallarneq imaluunniit avataaniit piumasaqaatit (pisortanit piumasaqaatigineqartut), tunisassiassaaleqineq, silap pissusaanik tunngavilimmik pissuteqartumik pissutsinilluunniit allanik kiffartuunneqarnissamat isumaqatigiissummut akiliutip aaqqinneqarnissaanik pisariaqartitsinngitsumik.

Illoqarfinni nunaqarfinnilu ukunani tunisassiorfiit isumaqatigiissummi ilaapput: Attu, Ikamiut, Narsamijit, Qaanaaq, Savissivik, Ittoqqortoormiit, Qassimiut, Kangerlussuaq aamma Napasoq.

Piffissami isumaqatigiissusiorfiusumi isumaqatigiissummut akiliutit tamarmiusut 7.500.000 kr.-nut aalajangerneqarput.

Ukiuni siuliini ukioq mannalu kiffartuunneqarnissamik isumaqatigiisummi Maniitsumi AGF-ip tunisassiorfia ilaangilaq, tamannalu pillugu qinnuteqaammik tigusaqartoqarani.

Maniitsoq Fiskeindustri A/S-imit kiffartuussinissamik isumaqatigiissusiornissamik qinnuteqaat tiguneqarpoq, taannalu itigiartitsissutigineqarpoq, tassani kiffartuussinissamut isumaqatigiissutit pillugit missingersuutitut tapiliussat oqaasertaat eqqortinneqanngimmata.

Kiffartuussinissamik isumaqatigiissutikkut AGF periarfissaqalerpoq, isumaqatigiisummut akiliutissatut aalajangersakkap saniatigut, aningaasartuutitut pilersaarutaasunut uppersarneqarsinnaasunullu matusissutissanik 575.000 kr.-nik pissarsinissamut. Aningaasat taamaallaat AGF-ip tunitsiviini sulisunut ilinniartitsinernut, ilinniartitseqqiinernut, pikkorissarnernut il.il. atorneqarsinnaapput. Ilinniartitsinermi ingerlatanut taamaattunut aningaasartuutit matuneqarnissaannik AGF qinnuteqarsinnaavoq, ingerlanniakkap ingerlatinnginnera kingusinnerpaamik qaammat ataaseq sioqqullugu ilinniartitsinermut/pikkorissaanermut pilersaarummik nassitsinikkut. Qinnuteqaammi ilanngunneqassapput peqataasussat amerlassusaat, ilinniartitsinermi pikkorissartitsinermiluunniit suna siunertaanersoq kiisalu aningaasartuutit matussuserniarneqartut pillugit paasisutissat. Pikkorissarnerit ilinniartitsinerilluunniit tunisassiorfinni isumaqatigiisummi uani ilaasuni toqqaannartumik sulinermut attuumassuteqanngitsut Namminersorlutik Oqartussat akilissanngilaat.

Nalunaarutigineqarsinnaavoq AGF-ip sulisuminik sapaatip akunnerani 48-mi pikkorissartitsinissamut qinnuteqaammik nassiussaqaarnikummat, taannalu aningaasaliissutit iluanni ingerlanneqassaaq. Qinnuteqaat Naalakkersuisoqarfimmi massakkut suliarineqarpoq.

AGF aammattaaq qinnuivigineqarpoq sillimmatit pillugit aalajangikkami atugassaritneqartut iluanni tunitsivinni ilaasuni suliniutinik allanik siunnersuummik saqqummiusseqqullugu. Tamanna pillugu qinnuteqaatinik suli tigusaqartoqanngilaq.

Taassuma saniatigut Royal Greenland A/S-imik kiffartuussinissamik isumaqatigiisummik isumaqatigiissusiortoqarpoq, 7.906.000 kr.-nik aningaasartalimmik.

Siunertatut aalajangersakkat AGF-imut atuuttut assigai, kisiannili tunitsivinnut ukununga atuulluni: Arsusuk, Qeqertarsuatsiaat, Atammik, Kangaamiut, Ikerasaarsuk, Niaqornaarsuk aamma Kangaatsiaq.

Tunitsivinni taaneqartuni RG-mi sulisunut pikkorissartitsinernut, ilniagaqaqqinnernut ilinniartitseqqiinernullu aningaasanik immikkoortitsisoqanngilaq. Kisiannili aaqqissuussinermik tassunga assingusumik RG neqeroorfigineqarpoq, taamaammallu qinnuivigineqarluni pikkorissartitsinernut il.il. siunnersuummik saqqummiusseqqullugu. RG-li nalunaarpoq suliffeqarfik ukioq manna pikkorissartitsiniangitsoq, kisiannili ukiup tulluuttup aallartinnerani, taamaammallu apeqquteqaatigalugu

aningaasat 2010-mut nuunneqarsinnaanersut. 2009-mi Aningaasanut inatsimmi nuussinissamut maanna periarfissiinngilaq.

Maniitsoq Fiskeindustri A/S kiffartuussinissamut isumaqatigiissummi ilaanngilaq, taamaammallu tunisassiofimmuut tassunga Naalakkersuisut isumaqatigiissusiorsinnaanngillat.

2 pillugu) Pilersaarutit suut suliarineqarpat ?

Naalakkersuisoqarfik aamma kommuninut saaffiginnippoq, ilaatigut Kommuneqarfik Kujallermut, suliffissaqartitsinermi suliniutit pillugit qinnuteqaammik nassitsinissamik qinnuivigineqarluni, tassani ilaallutik Narsarmijit aamma Qassimiut. Kommuneqarfik Kujalleq Aappilattuni pujoorivik pillugu qinnuteqaammik nassitsivoq, taannali illoqarfinni nunaqarfinnilu tunisassiofinnut 16-iusunut ilaanngilaq. Qassimiuni tunisassiofimmuut atatillugu qinnuteqaat maannakkut nalilersorneqarpoq.

Isumaliutigineqarpoq Kangerlussuarmi umimmannik ungoorisarnermik suliniummut atatillugu ungaluliornissamut tapersiisoqarnissaa. Qeqqata Kommunian saaffigineqarpoq. Suliniut taanna KNAPK suleqatigalugu ingerlareersuuvoq.

Misileraalluni eqalussuarniarnissamut qinnuteqaammik tigusaqartoqarpoq, kisiannili qinnuteqaat Aalisarnermut aningaasaliissutinut immikkoortitanut nassiutaavoq, isumaliutigineqarporlu suliniut nunaqarfinnut aningaasanut immikkoortitanut ilanngunneqarsinnaanersoq.

Kiisalu Naalakkersuisut aalajangiipput nunat immikkoortukkaarlugit immikkut iliuusissanik pilersaarusiortoqassasoq, immikkut aningaasaliissutip ataanut inissinneqarsinnaasoq.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalakkersuisoq